



## **Universitätsbibliothek Paderborn**

**Vita Patris Gonzali Sylveriae, Societatis Iesv Sacerdotis**

**Godinho, Nicolao**

**Coloniae Agrippinae, 1616**

F. Monzambico in Inhambanem soluit, & inde ad Regem Tongis vnum è  
socijs præmittit. Cap. III.

**urn:nbn:de:hbz:466:1-44032**

## 68 VITAE GONZALI SYLVERIAE

Africæ oram terrerī ac decoqui nautæ solent, ne momento quidem recedebat, nisi inde vel proximi caritas, vel honesta necessitas ipsum extraheret. Idem ut socij facerent, vehementer ab eo commendatum. Dicebat enim in hisce nauigationibus illud certissimè vsu venire, ut religiosi, qui fastidij leuandi causâ se in publicum dant, aliorumq; conuictui & colloquijs intersant, non illis tantum careant suauissimis animi voluptatibus, quibus perfruuntur ij, qui ab hisce rebus se abstinent, qui silent, qui suis se continent latibulis; verum etiam si quid habebat spiritualis succi, totum id, veluti ardentissimis expositam æstibus, penitus amittant. Quas autem Gonzalus inter nauigandum cœlestes hauserit voluptates, vel inde colligi potest, quod affirmare ausus sit, in ea se nauigatione fuisse expertum, Deum esse tibum, qui multò melius in mari, quam in terra animis sapiat.

---

*E Monzambico in Inhambanem soluit, & inde ad Regem Tongis vnum e socijs præmittit.*

## CAP. III.

**V**BI Mozambicum Gonzalus tenuit, mox ad Tongensem profectionem animum applicuit. Cum vero Pantaleo illa ipsa naue paucis post diebus in Sofalam esset prefecturus, possetque Gonzalus, si vellet paululum subsistere, eadem commodè vehi, moræ impatiens, quia nihil tunc habebat potius, quam vt Tongis Régem & Reginam Euangelijs splendore illustraret, sacroque Baptismi Iauacrum perfunderet, relicto Pantaleone, eiusque nauigio, Zambu-

Zambucum conscendit, & ad urbem Tongem dirigit iter. Est Zambicus, nauigij genus ex palma plerumque, ex alia quandoque materia confectum. Latera habet non ferreis, aut ligneis connexa lauis, sed caro, hoc est, stupeo quodam filo, canabi & sparto simili consuta. Cæteris ferè rebus incommodum, vna sola securitate laudabile. Nisi enim vi procellarum aut fluctuum dissuatur, maris pericula egregiè euadit. Nam ad brevia, & syrtes impactum siue damno est, cum maris æstu recedente, quibusdam nixum furculis, veluti in pedes rectum, in vado consistat. Gonzalus igitur cum duobus domesticis socijs, totidemque externis, Quadragesimæ tempore, Mozambico soluens, per immenses solis ardores, ac non mediocres alias cœlifalique difficultates relicta Sofala, ad Inhambanem, qui primus est Tongensis Regni portus, defertur. Ab ipso statim appulsi morbus eum grauissimus sic inuasit, ut benè ad exitum eius vitam adduxerit. Quo enim primùm die ab Inhambanis portum appulit, ingenti humorum copia ad guttur confluente, parum absuit, quin suffocaretur. Acies verò oculorum sichebetata est, vt ipsis apertis nihil videret. Adhac præ debilitate vix corpus versare, vix caput tantisper attollere, vix alia præstare leuiora. Ex quo subinde factum, vt in grauescente in dies morbo, non semel se ad obeundum diem compararit, de martyrij beneficio cæteroquin certus. Hunc ergo in modū animo & corpore vehementer afflicitus qua potuit ratione ægerrium corpus sustulit, manibusque ac pedibus reptando, in locum vicinum traxit, ubi sub arboris umbra confidens, sublatis in cœlum oculis, corde magis, quam voce, Cafrariæ negotium, vt credere par est, cum

Deo agit. Tum ad Deiparam cōuersus, quam eo die,  
(sabbatum erat) colere impensiū solebat, ad incep-  
tum opus prosequendum, eius apud filium opem,  
Operamque efflagitat. Ab hac oratione actutum  
febris recedit, & vires sensim restituuntur. Ut ha-  
bere melius coepit, ad inchoatum opus refert ani-  
mum, atque ab Inhambanis portu, qui ab vrbe Ton-  
ge leucas fermē triginta terrestri itinere distat, cum  
Cafribus quatuor Andream Fernandum mittit, vt  
de suo aduentu Regem moneat. Breui ac facile Tō-  
gem Cafres perueniunt; tanta enim sunt agilita-  
te corporis, vt volare potius videantur, quam pe-  
dibus incedere. Andreæ tamen, qui vt animi sub-  
missionis præberet exemplum, Cafrum humeris ve-  
ctari recusauit, magno prorsus stetit, tanta eos ce-  
leritate comitari: sed vires homini Deus suffecit:  
nam si quod exhiberet defatigationis specimen,  
nullo ab iis haberetur in pretio, & in via forsitan  
relinqueretur, tantum in expedita aptaque ad am-  
bulandum corporis compositione putant esse mo-  
menti. Vbi ad urbem ventum, Regem Andreas cō-  
ueniens, Gonzali verbis salutat. Illum Rex satis  
honorifice, pro more suo, ac beneuole excipiens  
læto animo esse iubet; & paulò attentiūs intuens,  
vehementer miratur, quid in tam senili aetate (val-  
de enim senem ex canitie reputauit, quamvis non  
esset) tam lögum iter tanta celeritate pedibus con-  
fecisset. Illico mandat, vt ad deferendum Gonza-  
lum aliqui quam oxyssimè proficiscantur: inter eos,  
in signum cuiusdam præcipui honoris, nonnullos  
etiam mittit sibi sanguine coniunctissimos. Inte-  
rim Andreas Fernandius hospitio tenui, sed pro  
gentis vsu & more, satis nobili & amplio, ad qui-  
cunq[ue] exceptus, regiis muneribus & salutationi-  
bus

bus fouebatur. Frequenter ad eum Regis filij ex patris mandato ventitabant, & propositis de religione variis vtrò citròque dubijs, ad multum tempus sermones trahebant. Inter alia munuscula ipso primo die Elephantis dentes ad Andream Rex misit, quos ille habitas primùm ab eodem Rege facultate interpreti donauit. Dum hæc ita se habent, ex recenti itineris labore, atque ex nimia coeli sole que inclemētia grauissimum Andreas morbum contrahit, quo & propter vim febris, & propter extreman rerum omnium inopiam acerbissimè vexatur. Lectus illi nuda humus; cibus præter pultem ex Indici milij farina cum sale mista, aliud prorsus nihil. Hac ratione cùm per dies aliquot, humanis remediis omnino destitutus, grauissimè affictare tur, ope tandem diuina, ante Gonzili aduentum, febri solutus est.

*Tongis situs, & incolarum mores describuntur.*

## C A P. IV.

**T**ONGE regia vrbs est, & regni caput, ultra æquatorem gradibus circiter tribus & viginti ad austrum sita. Magno illuitur flamine, quod inibi maris æstuario exceptum, propter immistam salsuginem, incommodos habet ad potum latices. Nec alibi in vrbe aqua ad bibendum apta, nisi à remotis fontibus importetur. Loco iacet humili, montibus intercluso, & imperuio ventis. Totum per annum, tribus aut quatuor duntaxat mensibus exceptis, cum videlicet ad Cancritropicum sol cursum efficit, tanta æstus vis, ut torrei omnia videantur. Insigni coeli & soli malignitate, aduenis maximè noxia est, & penè intollerabilis. Pro-